



ԻՆՆՕՐԵԱՅ ԱՂՕԹՔ
ՍՈՒՐԲ ՇԱՐԲԵԼԻ

Ո՛վ հրաշագործ

ՍՈՒՐԲ ՇԱՐԲԷԼ

միշտ հասիր օգնութեան

.....ին

(անուն ազգանուն)

**ԻՆՆՕՐԵԱՅ ԱՂՕԹՔ
ՍՈՒՐԲ ՇԱՐԲԷԼԻ**

**ԵՐԵՒԱՆ
2012**

ԱՌԱՋԻՆ ՕՐ

*Ո՛վ Սուրբ Շարբէլ, հրաշա-
գործ բժիշկ, որ քո անարատ եւ
անփուտ մարմնից սփռուում է
երկնքի բուրմուռները. հասի՛ր ինձ
օգնութեան, եւ ընդունի՛ր ինձ
համար Աստծուց խնդրած շնորհս
..... (ասել խնդրանքը),
որի կարիքն այնքան ունեմ, եթէ
իրօք Աստծոյ փառքի եւ իմ հոգու
փրկութեան համար է: Ամէն:*

*Սուրբ Շարբէլ, աղօթի՛ր ինձ
համար:*

Տէ՛ր, Դու, որ Սուրբ Շարբէլին
պարգեւեցիր հաւատի շնորհը,
խնդրում եմ, շնորհի՛ր ինձ նրա
բարեխօսութեամբ իմ խնդրանքը,
Քո պատուիրանների ու
Աւետարանի համաձայն ապրելու:
Քեզ փառք յաւիտեանս: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Սուրբ Շարբէլի
ապրած կեանքն այնքան
առաքինի էր եւ նրա հոգու
ջերմեռանդութիւնն այնպիսին,
որ բոլորը նրան համարում էին
Աստուծոյ շնորհի գործիք:

ԵՐԿՐՈՐԴ ՕՐ

*Ո՛վ Սուրբ Շարբէլ, վանական
կեանքի մարտիրոս, որ ճանաչել
ես տառապանքը, ու Աստուած
քեզ բարձրացրեց ինչպէս լու-
սատու փարոս. քեզ եմ դիմում
եւ խնդրում Աստծուն, քո բարե-
խօսութեամբ, ի սրտէ խնդրած
..... (ասել խնդրանքը)*

չնորհս: Վստահում եմ քեզ:

Ամէն:

*Ո՛վ Սուրբ Շարբէլ,
անօթ երկնային բուրմունքի,
բարեխօսի՛ր ինձ համար:*

Անսահման բարութեան Աստուած
իմ, որ Սուրբ Շարբէլին
պատուեցիր հրաշքներ գործելու
շնորհով, ողորմի՛ր ինձ եւ
պարգեւի՛ր նրա բարեխօսութեամբ
խնդրած այս շնորհս: Քեզ փառք
յաւիտեանս: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածուիւն. Սուրբ Շարբէլի
ողջ սրբութիւնը մեր Փրկիչ
Յիսուս Քրիստոսի հանդէպ նրա
տածած սիրոյ մէջ է:

ԵՐՐՈՐԴ ՕՐ

*Ո՛վ սիրելի Սուրբ Շարբէլ,
որ ինչպէս պայծառ աստղ շողում
ես եկեղեցու երկնակամարում,
լուսաւորի՛ր իմ ճանապարհը եւ
գորացրո՛ւ իմ յոյսը: Խնդրում եմ
..... (ասել խնդրանքը) շնորհը:
Խնդրի՛ր այն Խաչեալ Յիսուսից,
Ում շարունակ երկրպագում էիր:
Ամէն:*

*Ո՛վ Սուրբ Շարբէլ,
համբերութեան եւ լուսութեան
տիպար օրինակ,
բարեխօսի՛ր ինձ համար:*

Ո՛վ Տէր Աստուած, որ Սուրբ
Շարբէլին սրբացրեցիր եւ
նրան օգնեցիր իր խաչը
տանելու, տո՛ւր ինձ քաջութիւն
համբերութեամբ կրելու
կեանքի դժուարութիւնները եւ
յանձնուելու քո աստուածային
կամքին, Սուրբ Շարբէլի
բարեխօսութեամբ: Քեզ փառք,
յաւիտեանս: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Սուրբ Շարբէլի
հոգին զարդարուեց Սուրբ
Խորհրդի հրաշալի շքեղութեամբ՝
իր հերթին լուսաւորելով ամբողջ
Եկեղեցին:

ՉՈՐՐՈՐԴ ՕՐ

*Ո՛վ սիրելի հայր, Սուրբ
Շարբէլ, քո հանդէպ վստահու-
թեամբ լեցուն սրտով քեզ եմ
դիմում: Աստծոյ մօտ Քո հօր
բարեխօսութեամբ ակնկալում եմ
քեզնից խնդրած շնորհս*

..... (ասել խնդրանքը):

*Մէկ անգամ եւս ցոյց տուր ինձ
քո սէրը, ո՛վ Սուրբ Շարբէլ,
առաքինութիւնների պարտէզ,
բարեխօսի՛ր ինձ համար:*

Տէ՛ր, որ Սուրբ Շարբէլին
պարգեւեցիր Քեզ նմանուելու
շնորհը, տուր ինձ քրիստոնէական
առաքինութիւններով աճել, եւ
ողորմի՛ր ինձ, Տէ՛ր, որպէսզի
կարողանամ քեզ յաւերժ
փառաբանել: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Աստուած
կանչեց Սուրբ Շարբէլին
յանուն իր սիրոյ հրաժարուելու
աշխարհից, եւ ճաշակելու
աստուածային ուրախութիւնը:

ՀԻՆԳԵՐՈՐԴ ՕՐ

*Ո՛վ Սուրբ Շարբէլ, Աստծոյ
սիրելին, լուսաւորի՛ր ինձ, օգնի՛ր
եւ սովորեցրո՛ւ իմ կեանքում
կատարելու այն, ինչ հաճելի
է Աստծուն: Գթասիրտ Հայր
Շարբէլ, հասի՛ր ինձ օգնութեան:
Խնդրո՛ւմ եմ, Աստծուց ընդունես*

..... (ասել խնդրանքը)

այս շնորհը:

*Ո՛վ Սուրբ Շարբէլ, Խաչեալի
մտերիմ, միջնորդի՛ր ինձ համար:*

Տէ՛ր, Սուրբ Շարբէլի
բարեխօսութեամբ լսի՛ր իմ
աղօթքները: Բժշկի՛ր իմ սիրտը
եւ մխիթարիր. խաղաղութիւն
պարգեւիր իմ հոգուն: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Սուրբ Շարբէլը
երկրի վրայ ապրեց աղքատ եւ
խոնարհ, բայց երկինք մտաւ
հարստացած եւ այսօր նրա
պատուին հնչում են երկնային
շարականներ:

ՎԵՑԵՐՈՐԴ ՕՐ

*Ո՛վ Սուրբ Շարբէլ, հօր
բարեխօս, խնդրում եմ քեզանից,
որ ինձ համար Աստուծոց ստանաս*

..... (ասել խնդրանքը)

*Հնորհր: Քո մէկ խօսքը բաւարար
է, որ Յիսուս ինձ ների, ողորմի
եւ լսի: Ամէն:*

*Ո՛վ Սուրբ Շարբէլ, երկնքի ու
երկրի ուրախութիւն, բարեխօսի՛ր
ինձ համար:*

Տէ՛ր, որ Քո ասեղ դատաստանին
Սուրբ Շարբէլին ինձ փաստաբան
կարգեցիր, պարգեւի՛ր ինձ նրա
բարեխօսութեամբ խնդրած
չնորհս, նրա հետ միասին Քեզ
ընդմիշտ փառաւորելու: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Սուրբ Շարբէլը
կատարելութիւնը փնտռում էր
աղքատութեան ուխտի մէջ, որ
նրա կեանքի հարստութիւնն էր:

ԵՕԹՆԵՐՈՐԴ ՕՐ

*Ո՛վ բոլորի կողմից սիրուած
Սուրբ Շարբէլ, կարիքաւորների
օգնական, լիովին վստահում եմ
Աստծոյ մօտ քո միջնորդութեանը.
ընդունի՛ր ինձ համար*

..... (ասել խնդրանքը)

չնորհը, որն ի սրտէ աղերսում եմ:

*Ո՛վ Սուրբ Շարբէլ,
մոլորեալների առաջնորդ աստղ,
բարեխօսի՛ր ինձ համար:*

Տէ՛ր, տո՛ւր ինձ զղջալու
եւ ապաշխարելու շնորհ:
Բարեհաճութեամբ նայի՛ր
ինձ Սուրբ Շարբէլի
բարեխօսութեամբ: Փարատի՛ր
սրտիս տխրութիւնը:
Քեզ, ովկիան բոլոր շնորհների,
փառք, պատիւ յաւիտեանս: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Աստուած
կանչում է Սուրբ Շարբէլին իր
հետ ապրելու առանձնութեան,
աղօթքի, խոկումի եւ լռութեան
մէջ:

ՈՒԹԵՐՈՐԴ ՕՐ

*Ո՛վ Սուրբ Շարբէլ, երբ
տեսնում եմ քեզ՝ ծնրադրած քո
տերեւալից մահիճի վրայ, կամ
քո արած զոհողութիւններն ու
ծոմապահութիւններն եմ յիշում,
հաւատս ու յոյսս ուժեղանում են:
Խնդրում եմ, օգնի՛ր, որ Տէրն ինձ
պարգեւի խնդրած*

..... (ասել խնդրանքը)

Հնորհր:

*Ո՛վ Աստծով լիացած Սուրբ
Շարբէլ, բարեխօսի՛ր ինձ համար:*

Ո՛վ բարի Յիսուս, որ Քո
սիրելի Շարբէլին բարձրացրիր
աւետարանական կատարելութեան,
աղաչում եմ պարգեւել ինձ
չնորհր մնացած կեանքս Քո
կամքին համաձայն անցկացնելու:
Սիրում եմ Քեզ, Ո՛վ իմ Աստուած
եւ իմ Փրկիչ: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Սուրբ Շարբէլը
փայլեց իր գովելի կեանքի
օրինակով: Աշխարհի լոյսի պէս
բոլորին լուսաւորեց իր հիանալի
վարքով եւ սրբութեան եռանդով:

ԻՆՆԵՐՈՐԴ ՕՐ

*Ո՛վ Սուրբ Շարբէլ, ահա
իննօրեայիս աւարտը: Սիրտս
խայտում է քեզ հետ խօսելիս: Լի
եմ վստահութեամբ եւ յոյսով, որ
ինձ համար Յիսուսից կը ստանաս
չնորհը, որ քո բարեխօսութեամբ
խնդրում եմ: Զղջում եմ իմ
մեղքերի համար եւ կը փորձեմ
այլեւս չմեղանչել:*

*Աղաչում եմ ինձ համար ընդունել
..... (ասել խնդրանքը) չնորհը:*

*Ո՛վ Սուրբ Շարբէլ, փառքով
պսակուած, բարեխօսի՛ր ինձ
համար:*

Տէ՛ր, որ լսում ես Սուրբ Շարբէլի
աղօթքները եւ նրան պարգեւել
ես Քեզ հետ մէկ լինելու շնորհը,
ողորմի՛ր ինձ արամութեանս
մէջ եւ փրկի՛ր չարիքներից: Քեզ
փառք, պատիւ եւ գոհութիւն
յաւիտեանս: Ամէն:

Հայր մեր...

Ողջո՛յն քեզ, Մարիամ...

Փառք Հօր:

Խորհրդածութիւն. Սուրբ
Շարբէլի ողջ կեանքը Սուրբ
Կոյս Մարիամի երկնային
առաքինութիւնների արտացոլումն
էր: Թող Տիրամօր հանդէպ
ջերմեռանդութիւնը երաշխաւոր
լինի նաեւ մեր փրկութեանը:

Ո՛վ հրաշագործ Սուրբ Շարբէլ,
որ քո կեանքն անցկացրեցիր
միայնակ՝ խոնարհ եւ թաքնուած
ճգնարանում, հրաժարուելով
աշխարհից ու դրա սին
հաճոյքներից, եւ այժմ վայելում
ես սրբերի փառքի մէջ, Սուրբ
Երրորդութեան հիասքանչ
չքեղութիւնը, միջնորդի՛ր մեզ
համար:

Լուսաւորի՛ր մեր միտքն ու
սիրտը, ամրացրո՛ւ մեր հաւատը
եւ ուժեղացրո՛ւ մեր կամքը:
Մեր մէջ աւելացրո՛ւ Աստուծոյ
եւ մերձաւորի հանդէպ սէրը:
Օգնի՛ր մեզ բարիք գործելու եւ
չարից խուսափելու: Պաշտպանի՛ր
մեզ երեւելի եւ աներեւոյթ
թշնամիներից եւ փրկի՛ր մեզ ողջ
կեանքի ընթացքում:

Դու, որ հրաշքներ ես գործում
քեզ դիմողների համար եւ
ստանում բժշկութիւն անթիւ
ցաւերի ու լուծում մարդու
համար անելանելի խնդիրների,
ողորմածութեամբ նայի՛ր մեզ,
եւ եթէ աստուածային կամօքին
եւ մեր գլխաւոր բարիքին
համապատասխան է, ընդունի՛ր
մեր խնդրած շնորհը՝

..... (ասել խնդրանքը)․

բայց ամէն ինչից առաւել օգնի՛ր
մեզ Քո Սուրբ եւ առաքինի
կեանքի նմանութեամբ ապրելու։

Ամէն։



**Լիբանան - Աննայա
Սուրբ Շարբէլի վանքը**



Ճգնարանը



Նկեղեցին